

বিদ্যমান আমদানি

নীতি আদেশ, ২০০৯-২০১২

অনুযায়ী রপ্তানিমুখী শিল্প প্রতিষ্ঠান কর্তৃক
আমদানির ক্ষেত্রে কি কি বিধান
অনুসরণযোগ্য?

রপ্তানিমুখী শিল্প প্রতিষ্ঠান কর্তৃক পণ্যাদি আমদানি -

(ক) জাতীয় রাজস্ব বোর্ড কর্তৃক প্রণীত নীতিমালার আলোকে নিশ্চয়কৃত ও অপ্রত্যাহারযোগ্য ঋণপত্রের ভিত্তিতে বন্ড লাইসেন্সধারী তৈরী পোশাক শিল্প প্রতিষ্ঠানসমূহ ব্যাক-টু-ব্যাক ঋণপত্রের বিপরীতে বাংলাদেশ গার্মেন্টস ম্যানুফ্যাকচারার্স এন্ড এক্সপোর্টার্স এসোসিয়েশন (বিজিএমইএ) কর্তৃক জারিকৃত ইউটাইলাইজেশন ডিক্লারেশন (ইউডি)তে অনুমোদিত পরিমাণের

কাঁচামাল ও মোড়ক সামগ্রী আমদানি করতে পারবে, তবে গ্রে-কাপড় ছাড়া অন্যান্য কাপড় আমদানির ক্ষেত্রে কেবল ১৮.২৯ মিঃ বা তদুর্ধ্ব পরিমাণ নিয়মিত ও অবিচ্ছিন্ন থান কাপড় আমদানি করা যাবে;

(খ) তৈয়ারী পোশাক শিল্পের অধীনে দফা (ক)তে উল্লিখিত প্রতিষ্ঠানসমূহকে রপ্তানি আদেশ সম্পাদনের জন্য বিনামূল্যে (অন নো কস্ট বেসিস) কতিপয় শর্তাবলী পালন সাপেক্ষে কাঁচামাল আমদানি করতে পারবে;

(গ) নিশ্চয়কৃত ও অপ্রত্যাহারযোগ্য ঋণপত্রের ভিত্তিতে বন্ড লাইসেন্সধারী স্পেশালাইজড টেক্সটাইল শিল্পসমূহ ব্যাক-টু-ব্যাক ঋণপত্রের বিপরীতে শুদ্ধ কর্তৃপক্ষ কর্তৃক নির্ধারিত পরিমাণে কাঁচামাল ও মোড়ক সামগ্রী (নিষিদ্ধ ও শর্তযুক্ত তালিকাভুক্ত পণ্যসহ) আমদানি করতে পারবে;

(ঘ) নিশ্চয়কৃত ও অপ্রত্যাহারযোগ্য ঋণপত্রের ভিত্তিতে বন্ড লাইসেন্সধারী হোসিয়ারী ও নিট পোশাক প্রস্তুতকারী শিল্প প্রতিষ্ঠানসমূহ ব্যাক-টু-ব্যাক ঋণপত্রের বিপরীতে শুদ্ধ কর্তৃপক্ষ কর্তৃক নির্ধারিত পরিমাণের কাঁচামাল ও মোড়ক সামগ্রী (নিষিদ্ধ ও শর্তযুক্ত তালিকাভুক্ত পণ্যসহ) আমদানি করতে পারবে;

(ঙ) বন্ডেড ওয়্যার হাউজ পদ্ধতির অধীনে পরিচালিত অন্যান্য সকল সেক্টরের স্বীকৃত প্রস্তুতকারী ও রপ্তানিকারক শিল্প প্রতিষ্ঠানসমূহ ব্যাক-টু-ব্যাক ঋণপত্রের বিপরীতে উহাদের কাঁচামাল ও মোড়ক সামগ্রী আমদানি করতে পারবে এবং এইরূপ সরাসরি রপ্তানিকারক ও প্রচ্ছন্ন রপ্তানিকারক উভয়ের ক্ষেত্রেই প্রযোজ্য হবে;

(চ) প্রচ্ছন্ন রপ্তানিমুখী শিল্পের ক্ষেত্রে ব্যাক-টু-ব্যাক ঋণপত্রের বিপরীতে বন্ডেড ওয়্যার হাউজের মাধ্যমে কাঁচামাল আমদানি করতে পারবে;

(ছ) বন্ডেড ওয়্যার হাউজ পদ্ধতির আওতায় পরিচালিত কেবল ১০০% রপ্তানিমুখী শিল্প প্রতিষ্ঠান ব্যাক-টু-ব্যাক ঋণপত্রের বিপরীতে অথবা মাস্টার রপ্তানি ঋণপত্র এবং ব্যাক-টু-ব্যাক এলসি ছাড়াই শুধুমাত্র ক্রেতা কর্তৃক নিশ্চিত চুক্তির বিপরীতে চার মাসের প্রয়োজনীয় কাঁচামাল এবং মোড়ক সামগ্রী রিভলভিং পদ্ধতিতে আমদানি করতে পারবে;

(জ) উপ-অনুচ্ছেদ (চ) এ উল্লিখিত শিল্প প্রতিষ্ঠান কর্তৃক প্রচলিত বিধান অনুযায়ী রপ্তানি ঋণপত্র ছাড়াও চুক্তির বিপরীতে ব্যাংক গ্রাহক সম্পর্কের ভিত্তিতে সাইট বা ইউজেন্স ঋণপত্রের মাধ্যমে কাঁচামাল আমদানি করতে পারবে;

(ঝ) বন্ড লাইসেন্সধারী ১০০% রপ্তানিমুখী অলংকার উৎপাদনকারী শিল্প প্রতিষ্ঠানের জন্য অনুমোদিত উপকরণ আমদানির ক্ষেত্রে ঋণপত্র না খুলে আমাদানিকৃত উপকরণ শুদ্ধ কর্তৃপক্ষের পূর্বানুমতি গ্রহণ সাপেক্ষে খালাস করতে পারবে;

(ঞ) পোশাক শিল্প কারখানায় ব্যবহারের উদ্দেশ্যে কাঁচামাল ও মূলধনী যন্ত্রপাতি আমদানির ক্ষেত্রে ঋণপত্র প্রতিষ্ঠা ব্যতিরেকে মূল্যসীমা নির্বিশেষে আমদানি করা যাবে।